



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Alexandri Divinâ Providentiâ Papæ VIII. Decretum contra duas
Propositiones. Feriâ V. die 24. Augusti 1690.

urn:nbn:de:hbz:466:1-42634

ctores, seu Scholaſtici, aut alii quicumque impoſterum ſe abſtineant, & ut paci & charitati conſulatur, idem Sanctiſſimus in virtute Sanctæ Obedientiæ eis præcipit, ut tam in libris imprimendis, ac manuſcriptis, quàm in theſibus, diſputationibus ac prædicationibus caveant ab omni cenſura & nota, nec non à quibuſcumque conviciis contra eas Propoſitiones, quæ adhuc inter Catholicos hinc inde controvertuntur, donec à S. Sede recognitæ ſuper iisdem Propoſitionibus iudicium proferatur.

89 *ALEXANDRI Divinâ Providentiâ Papa VIII. Decretum contra duas Propoſitiones. Feriâ V. die 24. Au-
guſti 1690.*

SANCTIſſIMUS D. N. ALEXANDER Papa VIII. non ſine magno animi ſui mœrore audivit duas Theſes ſeu Propoſitiones, unam denuo, & in majorem Fidelium perniciem ſuſcitari, alteram de novo erumpere, & cùm ſui Paſtoralis Officii munus ſit, Oves ſibi creditas à noxis paſcuſ avertere, & ad ſalutaria ſemper dirigere, dictarum Theſium ſive Propoſitionum examen pluribus in Sacra Theologia Magiſtris, & deinde Eminentiffimis & Reverendiſſimis DD. Cardinalibus Inquiſitoribus ſedulò commiſit, qui pluries re maturè diſcuſſâ infraſcriptis Theſibus ſeu Propoſitionibus ſuper unaquaque ipſarum ſua ſuffragia Sanctitati Sux ſigillatim expoſuerunt.

I. Bonitas objectiva conſiſtit in convenientia ob-
jecti cum natura rationali; Formalis verò in con-
formitate actûs cum Regula morum: Ad hoc ſuf-
ficit, ut actus moralis tendat in finem ultimum in-
terpretativè: HUNC HOMO NON TENETUR

AMARE,

AMARE, NEQUE IN PRINCIPIO, NEQUE IN DECURSU VITÆ SUÆ MORALIS.

II. Peccatum Philosophicum seu morale, est Actus humanus disconveniens naturæ rationali & rectæ rationi: Theologicum verò & mortale, est Transgressio libera Divinæ Legis. Philosophicum, quantumvis grave, in illo, qui Deum, vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æternâ pœnâ dignum.

Quibus peractis, Sanctissimus, omnibus plenè & maturè consideratis, primam Thesim seu Propositionem declaravit hæreticam, & uti talem damnandam & prohibendam esse, sicuti damnat & prohibet sub Censuris & pœnis contra Hæreticos & eorum fautores in jure expressis. Secundam Thesim seu Propositionem declaravit scandalosam, temerariam, piarum aurium offensivam & erroneam, & uti talem damnandam & prohibendam esse, sicuti damnat & prohibet, ita ut quicumque illam docuerit, defenderit, ediderit, aut de ea etiam disputaverit publicè, seu privatim tractaverit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio, quâcumque etiam dignitate fulgente, nisi à pro tempore existente Romano Pontifice, absolvi. Insuper districtè in virtute sanctæ obedientiæ, & sub interminatione Divini Judicii, prohibet omnibus Christi fidelibus cujuscumque conditionis,

Dignitatis & Status etiam speciali & specialissimâ notâ dignis, ne prædictam Thesim seu Propositionem ad praxim deducant.

Decre-